


# „Graalda” to Grou bibuorke troch de bruorren A. en W. Kaastra



„Graalda” wie eartiids in great herehûs mei in lytsere buorkerij der by. Yn'e foarein wenne doe de eigener.

In bikind byld oan de dyk nei Grou is „Graalda” de pleats mei de hege foarein mei in trepkestoep. Yn ús bernejierren die ús dy beide hege keamers mei trep altyd hwat deftich

aan, mar dochs hienen wy biningen mei Graalda; der wie in goed ûnderhâlden appelhôf en dêr kamen wy yn 'e neisimmer en hjerst noch wol ris op bisite.

Nou ik dêr kaem om ris oer de pleats to praten wie myn earste sjen nei de appelbeammen fan doe. De tiid hie ek híj gjin skoft hâlden en gâns romte makke.

De beide bruorren Kaastra wienen net by honk, mar soks wie dizze kear net slim, hwant de âld-boer, de hear Simon Kaastra, wenne mar trije hûzen fan de pleats ôf en wie, doe't hy troch syn pakesizzers boadskip krije hie, gau op 'e pleats. Wy hawwe noflik sitten to praten, earst noch hwat fan eartiids ophelle en doe oer Graalda. It die blikken dat Graalda úntstien wie út twa pleatsen floreen nû. 11 „Oedsma“ en 12. „Graalda“.

It wienen twa pleatsen hiem oan hiem en yn ús bernejerren boarten wy noch wol op it hûssté fan „Oedsma“. Dizze pleats is yn 1888 ôfbrând en doe is it lân foar it greateste part by „Graalda“ kommen.

„Graalda“ sels wie eigentlik yn dy tiid mear in great herehûs mei in lytsere buorkerij der by. Yn de foarein wenne doe ek de eigener, de hear Boltjes, dy't yn dy tiid notaris yn Grou wie. Hjoed de dei is dizze pleats noch eigen aan de famylje Boltjes.

Wie it foarhinne in hwat ungeleyflik spul omdat der nochal hwat lân oer it wetter lei, troch by keapjen fan lân út in neistlizzende pleats, koe dat bûtlân der by wei, is d'r nou noch in pleats oerbleaun fan 90 pounsmiet. Earder wie it 100 pounsmiet, mar troch it ôfstean fan groun foar boutereinen en dykforbreedzjen is d'r 10 pounsmiet by wei rekke. Hwa wienen de eardere eigeners en brûkers?

1640. „Oedsma“, nû. 11 Trijntje van Sichum. „Graalda“, nû. 12 Abraham van Solkens.

1698. nû. 11 Boargemaster H. Jans Minnema út Snits; nû. 12 Jacob Rinze widd., beide pleatsen hienen 1 stim.

1718. nû. 11 Schepen Bourbon, eigener, Matheus Pijters, brûker; nû. 12 Doede Sybolts en Eekje Rinses, eigeners, siktaris Idzardi, brûker.

1728. nû. 11 selde eigener en Sjoerd Fockes, brûker; nû. 12 as yn 1718.

1738. nû. 11 Selde eigener, Pyter Eekjes, brûker; nû. 12 Doede Sybolts, eigener, Carst Sipkes, brûker.

1748-1758. nû. 11 Burgem. Bourbons widd., Pyter Eekjes, brûker; nû. 12 Boargem. Bourbons widd. en sîkr. Bruinsma, eigeners, Carst Sipkes, brûker.

1768. nû. 11 Iskjen Catharina Bourbon widd. v. Sloterdyk, eigenerske, Sybren Pijters, brûker; nû. 12 Selde eigener as nû. 11. Sipke Karstens, brûker.

1778. nû. 11 as yn 1768; nû. 12 as yn 1768.

1788. nû. 11 Doktoren Jacob Frederitsen en Willem Augustyn Posthumus v. Sloterdyk, eigeners, Sybren Pyters, brûker; nû. 12 Selde eigeners, Sipke Kartsens widd., brûker.

1798. nû. 11 J. T. W. IJ. en A. C. van Sloterdyk, eigeners, Sybren Pyters, brûker; nû. 12 Selde eigeners en brûker.

1818. nû. 11 Alette Catharina v. Scheltinga, widd. v. Heloma, eige-

nerske, Pieter Sybren van der Veld, brûker; nû. 12 Sybren Pieters v. d. Velde, eigener, Gerlof P. Pollema, brûker.

1828-1858. nû. 11 Hendrik Willem Schuurman, eigener en brûker.

1828. nû. 12 S. P. v. d. Velde, eigener, Sipke Murks Bottema, brûker.

1838. nû. 12 Pieter Sybren v. d. Velde, eigener en brûker.

1848. nû. 12 as yn 1838.

1858. nû. 12 Trijntje Klazes Postma, eigener en brûker.

Oant safier de floreenkohieren. „Oedsma“ wie doe 100 pounsmiet, „Graalda“ 63 pounsmiet.

Nije wike mea.r

d. H.

Sa as ik yn it foarige artikel oer „Graalda“ al forteld ha is de tsjintwurdige pleats fan 1888 ôf sa as dy nou is, dat wol sizze, is Oedsma der by kommen.

Foar 1888 wenne yn de foarein notaris Boltjes. Hy wie eigener fan de pleats en notaris yn Grou. Ef-ter bûthûs en skuorre, oan de feartkant waerd in wenning boud foar de fuorman fan de notaris. Dizze wenning wie letter simmerwente foar de eigners en docht nou tsjinst as wenhûs foar ien fan de bruorren Kaastra.

Fan 1888 oant 1921 hat Ype Blijstra der buorke.

Fan 1921-1929 Grietzen Castelein.

Fan 1929-1940 Simon Kaastra.

Fan 1940-1963 Marten en Wietze Kaastra.

It is in moai bidriuw, 90 pounsmiet lân by hûs mei noch 32 pounsmiet. Der wurde in 50 melke kij hâlden en 18 hokkelingen.

De bruorren Kaastra binne fokkers, dêrfan tsjûgje in kastfol medaljes.

NAAR IK MEEN IS DE WONING

ACHTER DE BOERDERIJ 1910/15

GEBOUWD ALS ZOMERWONING

VOOR NOTS BOLTJES

MEI 1987 G.B.